

## SPORAZUM O POSLOVNOJ SURADNJI

Zaključen dana 06.01.2020.godine u Sarajevu između JKP „Komunalac“ d.o.o.Hadžići (u daljem tekstu: „Komunalac“ Hadžići) koga zastupa direktor Nusret Kaleta dipl.pravnik i Ministarstva za boračka pitanja Kantona Sarajevo (u daljem tekstu Ministarstvo) koga zastupa ministar mr. Ismir Jusko

### I

Predmet ovog Sporazuma je realizacija projekta priključka na kanalizacionu mrežu stambenih jedinica šehidskih porodica, ratnih vojnih invalida i demobilisanih boraca, kao i uslovi, način i plaćanje po izvršenim radovima priključenja objekata na kanalizacionu mrežu.

### II

Šehidske porodice, ratni vojni invalidi i demobilisani borci kojima je potreban novi priključak, a za koje Ministarstvo dostavi „Komunalcu“ Hadžići saglasnost za plaćanje, imaju pravo na izgradnju separatnog kanalizacionog priključka (bez zemljanih radova) uključujući nabavku i ugradnju keramičkih cijevi KC  $\Phi$  150mm i keramičkih fazonskih komada KZ  $\Phi$  150/45°, ako imaju svu zakonom propisanu dokumentaciju. Troškovi ovakvog priključka sa uračunatim PDV-om, saglasno predračunu br.2018/07 od 21.06.2007. godine iznose od 404,16 KM i snosi ih Ministarstvo. Eventualne troškove iznad gore navedenih padaju na teret korisnika.

### III

Zemljani radovi i radovi na sanaciji prokopa (asfaltiranja, betoniranja i sl.) nisu u obavezi „Komunalca“ Hadžići.

### IV

„Komunalac“ Hadžići se obavezuje da će po dostavljenim preliminarnim spiskovima za priključak na kanalizacionu mrežu od strane ovog Ministarstva prethodno izvršiti provjeru stanja u smislu da li su predloženi korisnici sa spiskova ranije izvršili plaćanje priključka kanalizacionu mrežu, te da li su već registrovani kao korisnici kanalizacije na nekom drugom objektu na području Općine Hadžići. Nakon provjere spiskova „Komunalac“ Hadžići pismenim putem šalje povratnu informaciju, nakon čega će Ministarstvo dati konačnu saglasnost za koje će korisnike izvršiti plaćanje priključenja na kanalizacionu mrežu.

## V

Ministarstvo se obavezuje da će izvršiti plaćanje po završenim radnjama iz tačke II i IV ovog Sporazuma, na osnovu ispostavljenih računa od strane „Komunalca“ Hadžići u skladu sa dinamikom plaćanja putem Ministarstva finansija Kantona Sarajevo.

## VI

Sve eventualne nesporazume koji se jave po ovom Sporazumu „Komunalac“ Hadžići i Ministarstvo će rješavati prvenstveno sporazumno u duhu dobrih poslovnih odnosa uzajamnog povjerenja.


U slučaju spora nadležan je Sud u Sarajevu.

## VII

Sporazum stupa na snagu danom potpisivanja, a odnosi se na period do 31.12.2020. godine.

## VIII

Sporazum je sastavljen u četiri istovjetna primjerka od kojih svaka strana zadržava po dva.



JKP „KOMUNALAC“  
d.o.o. Hadžići

Nušet Kaleta dipl.pravnik

Broj: 104-1-03-1/20  
Sarajevo, 09.01.2020. godine

KANTON SARAJEVO  
Ministarstvo za boračka pitanja

mr. Ismir Jusko

Broj: 06-11-146/20  
Sarajevo, 06.01.2020. godine